

現代生活藝術系列

華嚴經疏論纂要 61

十地品之二

華藏淨宗學會印贈

大方廣佛華嚴經疏論纂要卷第六十一

五臺山清涼國師澄觀疏鈔

太原方山長者李通玄 論

閻鼓山私淑比丘道需纂要

十地品第二十六之一

○第六請分中三。初說已默住。二是時下。三家五
請。三爾時金剛藏觀察下許說分齊。所以默者。
將欲演之。必固默之。欲令大眾渴仰請說故所
以俟請者。畧有二意。一增諸菩薩尊敬法故。二
前本分中舉地歎勝爲增樂欲。令此請中生正

解故云何生解。謂由請故得說默之由。顯地體甚深。離於言念。令衆先解。後聞說分。不隨聲取。離謬解故。卽復由此。故有第二示說分齊。今初爾時金剛藏菩薩說此菩薩十地名已。默然而住。不復分別。

疏初默可知

○第二請中三家請然。卽分三段。謂初解脫月請。二大衆請。三如來請。所以要三家者。顯法深妙。令聞解故。衆首顯揚。當機渴仰。化王加勸。事方周故。道大兼亡。法應請故。爲順請王。此衆堪聞。周故道大兼亡。法應請故。爲順請王。此衆堪聞。

言不虛故爲成請者。如來護念而生信受。言有
徵故。此約因請。生請亦是次第。又佛請者。卽名
爲加。謂衆雖已請。要假主佛威光。方堪說故。亦
名爲敎。如來敎說。顯剛藏說。傳佛教故。又前二
家請。顯此地法。因人修故。後一家請。顯此法佛
所證故。前之二請。餘經容有。後之一請。餘經所
無法華三請。但是一家。良以地法甚深。寄位難
說故。鈔道大兼亡。道微則自濟。道大則兼亡。亡字無心。此訓無下。若加於心。兼忘兩字。出於莊子。意於自他兩忘。若入相忘於道術。魚相忘於江湖。雖有深意。非此所用。爲順請王者。此故止不說。次解脫月歎衆堪聞請云。此衆無諸。
第二家因第一起也。謂初剛藏云。法深難受。

垢。志解悉明潔等。衆若不請。則非堪聞。令解脫月。此言虛謬。故大衆請。則言不虛。爲成請者。卽第三請。亦譯第一。一家生謂解脫月末後。雙歎人法請云。佛子。願承佛神力。分別說此。不思議法。此人當得如來護念而生信受。何以故。說十地時。法應如是。得佛護念。得護念故。於此智地。能生勇猛。卽其文也。爲成此言。故有第三。如來加請。文云。若爲善逝力所加。當得法寶入其心。卽護念生信。有微也。此言因於天台而生。謂法華疏歎身子三請云。餘經無此。殷勤之請。唯華嚴解脫月請金剛藏。可爲連類。而彼因人請於因法。此請佛慧。故亦不同。今此翻明法華劣此。畧言。但是。一家細分。乃有多異。且列四門。彼是一家。此有三家。一不同也。彼之一家。但是聲聞。此有三家。是佛菩薩。二不同也。彼唯三請。此有五請。三不同也。彼唯因人請。此有佛請。四不同也。但彼云。法華請果。華嚴請因者。然此請因。乃是佛因。說外等中。因果兼說。是故經云。此是菩薩向菩提最上道。亦是清淨法光明門。又云。如來大仙道。智起佛境界。第十地後校量佛德。地影。

像分。下山依地。十德依海。皆明因果相順。又有因果一分。令於因門。徹見因果。海所入智地。亦通果故。法華雖然。請說佛智。及下廣說。但示因門。故說衆生。皆有知見。諸佛智慧。卽此證道。其智慧門。卽此教道。敎證二門。該因徹果。非此獨因。各隨所弘。自揚聖教耳。又三請次

第者。初解脫月者。彼衆上首。故餘問則亂。何緣大衆不亂。問耶。衆調伏故。由前二止三請。抑揚時衆。故次衆請以表虔誠。然非爭起。依前請儀。同聲齊請。故亦不亂。後聽說理窮。故如來勸說。今初衆首請中。總有三請。所以三者順世儀式。少不殷重。多則繁亂。正得中故。以止有三。抑揚當時。調伏機故。一家助成。各唯一請。抑揚當時。三止皆

抑二請皆揚二請

然依三請應分三段。若兼三止應分爲

六。以前默住之止通爲五請之本。不可唯屬於初。故止請相乘。且爲五段。一怪默騰疑請。二法深難受止。三歎衆堪聞請。四不堪有損止。謂雖有堪者亦有不堪故。五雙歎人法請。謂不堪聞者以法深故。亦得佛護固應爲說。於是剛藏理窮。更無違請。就初請中分二。初明大衆覩默生疑。二解脫月下騰疑爲請。今初

是時一切菩薩衆。聞菩薩十地名。不聞解釋。咸生渴仰。作如是念。何因何緣。金剛藏菩薩唯說菩薩十地。

名而不解釋

疏言何因何緣者。疑怪之辭。爲因說者不能說耶。
爲緣聽者不堪聞耶。金剛藏下出所疑事。

○二。騰疑爲請中二初序請因

解脫月菩薩知諸大衆心之所念。以頌問金剛藏菩
薩曰

疏序請因。謂領衆疑故。

○二。以頌正請

何故淨覺人。念智功德具。說諸上妙地。
有力不解釋。一切咸決定。勇猛無怯弱。

何故說地名而不爲開演諸地妙義趣

此衆皆欲聞其心無怯弱願爲分別說

衆會悉清淨離懈怠嚴潔能堅固不動

具功德智慧相視咸恭敬一切悉專仰

如蜂念好蜜如渴思甘露

疏文有五偈顯說聽無過是以應說卽分爲一二初

偈說者無過亦遣大衆何因之疑後四聽者無過

亦遣大衆何緣之疑雖似初二微默所由爲拂衆

疑後三請說爲遂衆欲文影畧耳非不互通故依

前判今初歎說者淨覺無過偈初二字偈末三字

合爲徵問之詞。謂有中間淨覺無過。何故不解釋耶。聖德雖多。偏歎淨覺者。是說因故。覺卽覺觀。由此得爲口加行故。具能所治。無思發言。故云淨覺。淨覺之人。名淨覺人。三字爲總。餘皆是別。別歎淨覺。有二勝能。一攝對治。謂念智具。念謂四念。智謂如智。二離諸過。謂餘十字。具字兩用。初中由有能治。所治不生。所治有二。一者雜覺。謂凡夫尋伺。與四倒相應。卽迷事倒。以四念爲治。二雜覺因。憶想分別。謂隨名相轉。卽迷理倒。以真如智爲治。前唯凡夫。後通凡小。言離過者。離三種過。一由無瞋等。

功德具故離慳嫉過謂無瞋治嫉等取無貪無貪
治慳不等無癡無癡卽前念智攝故一由前已說
上妙地故無說法懈怠過三由有樂說辨力無不
樂說過第二歎聽者無過中四偈分三初二歎同
生衆論云同法決定故有樂聞故次一偈歎異生
衆論云復示餘者心淨故後一偈雙歎論云又顯
此衆皆堪聞法故今初二偈前偈歎根故云決定
後偈歎欲故云欲聞若有欲無根雖聞不解有根
無欲設聞不受故須雙歎今初同法卽是同生揀
後異生決定卽是根器揀後樂欲初句爲總論云

決定者。黠慧。明了故黠慧卽根。黠能知教。慧入證。故次二句別論云。決定有三。一上決定。願大菩提。故云勇猛。二名聞決定。他善敬重。故云無怯弱。由內無怯弱。外著大名。三攝受決定。謂彼說者善知故。卽經說地名。由堪攝受。方爲說耳。下句徵默。可知。後偈歎欲中。初句所欲之法。次二句正明有欲。後句結請。其心無怯弱者。論經云。佛子智無畏。無畏卽無怯弱。契理之心。卽名爲智。然智有一二種。一證法故。此屬前根。二現受故。此屬今欲。欲亦須智。故於樂聞。心無怯弱。總前二偈。根欲雙具。諸地妙。

義願爲說之。第二一偈歎異生衆。但云衆會故。雙歎根欲。初句爲總。心無濁故。名爲清淨。三句爲別。別離六濁。一不欲濁。謂無心餐采故。離懈怠治之。二威儀濁。不恭肅故。嚴整治之。三五蓋濁。貪名等故。潔淨治之。四異想濁。謂貢高雜染。輕慢雜染等。皆名異想。今說行堅固不動治之。五不足功德濁。善根微少故。於彼說中。心不樂住。具功德治之。六愚癡濁。謂愚暗不了故。智慧治之。第三一偈雙歎二衆。云一切故。相視爲總。論云。迭共相瞻者。示無雜染故。餘皆是別。咸恭敬等。無輕慢雜染。下半喻。

顯敬法轉淡。何有雜染。然蠭之念蜜。渴之思漿。喻希法喜解脫之味。更言好蜜。復思甘露。顯法之妙。思渴情淡。

○第二法淡難受止

爾時大智無所畏金剛藏菩薩聞說是已。欲令衆會心歡喜故。爲諸佛子而說頌言。

疏文中二先序意後偈酬前中令衆歡喜是總酬答相謂說偈本爲除前疑惱得心喜故酬答有二一堪酬答自有大智故二不怯弱酬答不畏大衆之不堪故論云此二示現自他無過故故後偈意

明法難說。非已無智而不能說。但言難聞。非斥大衆全不堪聞。

菩薩行地事。最上諸佛本。顯示分別說。

第一希有難。微細難可見。離念超心地。

出生佛境界。聞者悉迷惑。

疏偈中五偈分四。初二頌明法難說。遣上何因之疑。成上有智。次頌顯法難聞。遣上何緣之疑。成前無畏。三一偈。喻難說聞。後一偈。舉難結默。初中分二。前偈顯難說之法。後偈彰難說所以。今初偈末難字。即是總相。謂難得故。難得所以。後偈明之。此

難有二種。一最難體出名相。故經云第一。二未曾有難。在相所無。故經云希有。上二明難相。何者是難法體。卽偈初二句。菩薩行者。是出世間智。謂即是證道。證心涉境。故名爲行地事者。謂十地事行。卽是敎道。相老別故。最上者。通說上二勝故。諸佛本者。釋上證智。得菩薩行名。所以行是因義。覺於佛智。所以名佛。今此證智。亦覺佛智。故爲彼本。本卽因也。此之敎證。於何處成難。謂顯示分別說。證道亡心。故難顯示。敎道依證。亦難分別。第二釋難。所以者。彼前菩薩行事。所以難者。由住微妙淡義。

故難得有四。一微細難得。顯非聞慧境故。二難見
難得。亦非思慧心眼見故。三離念難得。亦非世間
修慧境故。以地智是於真修。故非地前心數分別
緣修之境。四超心地難得。非唯非地前之境。亦非
登地已上報生善得修道智境。謂變易所起異熟
心識。名爲報生。生便能知無常等故。名善得修道
智。以非照實之智。故亦不測地智。知無常等未忘
心境。名爲所地。以七地已還。皆容出觀故。又此善
得修道智。卽加行後得智。非根本故。所以揀之。名
善得者。生而卽得。不假修習。故名善得。其由生而
知之者。上也。言無常等。等取苦空無我。及常樂我。

淨。以昔久修無漏因故。變易酬彼名爲報生。言以
非昭實者。釋不能知。夫昭實者忘心體極。今報生
識雖知無常等。不契合故。不能知此。未忘心境者。
心地之言通有一二義。一就體性如梵網經說。盧舍
那佛心地法門。謂心體包含。生成住持亦如法華
一切智地。斯爲妙也。今言心地是所揀者。卽是心
量法門。故楞伽說。覺自心現量。非心之
之心量。我爲說心量。心量卽心地故。旣非四心之
境。是誰境耶。卽佛智境。何者是智。見實義故。出生
有二義。一生彼佛智故。二出離於生。是無漏故。末
句云。所以難說者。恐聞者隨聞取著。悉迷惑故。

持心如金剛。深信佛勝智。知心地無我
能聞此勝法。

疏第二偈顯難聞者論云。已辨難說復顯難聞。

然偈中舉具德能聞。反顯難聞。兼欲使人學能聞。故於中三句舉德。末句結成能聞。初中初句爲總。謂持聽法心堅如金剛。則能得聞。下二句別堅有二種。一決定信堅。卽第一句。若無此堅。於他分法不能入。故二證得堅。卽第三句。若無證堅。於自分法不能入。故深信之相云何。謂於佛智設心智不及。仰推佛智。非我境界。是深信相。卽勝鬘三種正智中。仰推智也。所信是何。謂佛智慧。以此地智。上同佛智。故佛智有二。一菩提智。是自行證法。稱性無邊。一化生權智。是利他教法。隨機隱顯。種種老

別。卽是法華諸佛智慧及智慧門。於此二深皆能信故。鈔即是法華下證成勝義。卽方便品初云。爾時世尊從三昧安詳而起告舍利弗。諸佛智慧甚深無量。其智慧門難解難入。論釋云。諸佛智慧。卽證甚深。其智慧門。卽阿含甚深。故此二句。卽佛教說二道。故古人云。二深先唱。警察羣座之心。是也。彼經自釋。如來知見廣大深遠。卽實智也。如來方便知見。波羅密皆已具足。卽權智也。所以難解者。當體深故。二權實隱顯故。故云。唯有諸佛。乃能知之。下廣文云。諸佛隨宜說法。意趣難解。卽智慧門難入也。唯以一大事因緣故。出現於世。卽智慧甚深也。昔不言三足方便。故方便門閉。今云三乘足。方便門開。開則見實。故彼經云。此經開方便門。示真實相。故方便門。如蓮之華。真實相者。如華之蓮。此華不有則已。有則華實雙含。此經不說。則已。說則權實雙辨。一經唯爲說佛智慧。故彼文云。說佛智慧故。諸佛出於世。以佛智慧。不離教證。權之與實。故說二深。卽以畧示法華經宗。此二亦卽淨名經中智度菩薩母。方便以爲父。一切衆導

師無不由是生故地智二道徹果海之二淡云何
是所信也於此二淡皆能信故結成信義云何
證堅此亦有二一知是能證一心地是所證言無
我者通能所證心地卽二空真理下句結成既知
難聞之義如是具上二堅方聞上來微細勝智
如空中彩畫如空中風相牟尼智如是
分別甚難見

疏第三二偈喻顯說聞中上半喻下半合此中喻
意不單取虛空以無畫處空不爲喻故亦不單取
畫以壁上畫不將喻故正取空中之畫風喻亦然
於中能依風畫以喻阿含所依之空以喻證智然

空中風畫不可言無。謂若依樹壁則可見故亦不可言有。依空不住故非有非無。故不可說。文意正爾。下合可知。

我念佛智慧 最勝難思議 世間無能受
默然而不說

疏第四一偈舉難結默者。若準上義。以二事說。以二事聞。則可說可聞。但是難見。如何不說。故有此偈。意云。說聞本在證見。難見說之何益。况復加以難信。故我默然。初句所證見法。次句難證。難中之難。故云最勝。次句難信。非地前證信。故曰世間。上

三句舉難。後一句結默。

○第三歎衆堪聞請。前已歎竟。此復歎者。由聞上言。證信難得。顯示此衆有信有證。有堪能故。先長行後偈頌。今初

爾時解脫月菩薩聞是說已。白金剛藏菩薩言。佛子。今此衆會皆悉已集。善淨深心。善潔思念。善修諸行。善集助道。善能親近百千億佛。成就無量功德善根。捨離癡惑。無有垢染。深心信解。於佛法中不隨他教。善哉佛子。當承佛神力而爲演說。此諸菩薩於如是等甚深之處。皆能證知。

疏前中分二。先敘請後佛子下發言正請於中三。

初陳衆集。一善淨下歎衆德。二善哉下結請。二中十句。初總餘別。總謂善淨淡心離教證過故。名善淨。淡心有二。一具修一切諸善行故。卽下敘淨。二與理相應故。卽下證淨。下九別中。前五阿含淨。後四證淨。謂順敎修行。名阿含淨。證理起行。名爲證淨。敎通地前。證唯地上。今初五中。一善潔思念。卽欲淨。隨所念阿含得方便念覺淨。謂得方便。卽不取念相。名爲善潔。二善修諸行者。求淨。三業敬順。起求法行故。三善集助道。卽生得淨。願得益衆生。

處上上勝生。生而便得悲智勝念。以助正道故。四善能等。卽受持淨。親近多佛。意在多聞憶持故。五成就善根。卽行淨。爲求地上真證法故。習少欲頭陀等離著善根。鈔離著善根者。欲入證時。先須修行離著之行。十二頭陀皆爲捨著故。後證淨四中。一捨離癡惑者。得淨。現智善決定故。謂真見道中。得無分別智。非比知故。名爲現智。相見道中。以後得智。審觀理智。故決定無惑。亦可俱通。相見道中。亦名現觀。真見道中。決理無惑。皆破無明。故云捨離癡惑。二無有垢染。卽不行淨。修道中一切煩惱不行故。相見道後。至金剛無間道。

中。皆是修道。復數修習無分別智。故名修道滅。二
麤重。皆使不行。對見道中初斷所知。故云垢染。三
淡心信解。卽無厭足淨。不樂小乘。但於上勝佛德。
趣菩薩地。盡道中自正行故。上歎德竟。第三善哉
佛子下。結請可知。

○二偈頌

爾時解脫月菩薩欲重宣其義而說頌曰
願說最安隱 菩薩無上行 分別於諸地
智淨成正覺 此衆無諸垢 志解悉明潔

承事無量佛 能知此地義

疏偈頌中初偈直舉法請不頌前文上半舉法請說下半彰說有益後偈頌前請可知

○第四不堪有損止中一二先長行

爾時金剛藏菩薩言佛子雖此衆集善淨思念捨離愚癡及以疑惑於甚深法不隨他教

疏長行中亦一二先領前所歎對下有損所以言雖

然有其餘劣解衆生聞此甚深難思議事多生疑惑於長夜中受諸衰惱我愍此等是故默然

疏後然有下舉損違請於中一二先舉損劣解之人

通凡小等。皆是迷法之器故。多生疑者。正行相違。
猶豫義故。惑者心迷於理。能破壞善法。遠離善法。
故此明現損於長夜下。明其賞損後我愍下。結默
違請

○二偈頌

爾時金剛藏菩薩欲重宣其義而說頌曰

雖此衆淨廣智慧
甚深明利能決擇
其心不動如山王
不可傾覆猶大海
有行未久解未得
隨識而行不隨智
聞此生疑墮惡道
我愍是等故不說

疏偈中亦二。初偈頌前段。淨明有信。餘皆有證。如

山如海。雙喻教證。

鈔如山海者。動謂動搖。覆謂翻覆。今於教決信不動。更無翻覆。

於證亦然。後偈頌後段。以取相故。但依於識。不能依智。

○第五雙歎人法請中。復重請者。示彼疑惑。應須

斷之。豈可避之。避之不說。有多過咎。何等過咎。

不得成就一切佛法。文中先長行。後偈頌。

爾時解脫月菩薩。重白金剛藏菩薩言。佛子。願承佛
神力。分別說此不思議法。此人當得如來護念而生
信受。

疏長行中三。初標請。次何以故下。釋請。後是故佛

子下。結請。

○釋中二。先直徵釋。後轉徵釋。今初

何以故。說十地時。一切菩薩法應如是得佛護念。得
護念故。於此智地能生勇猛。

疏前中。先徵意云。何以當得佛護而能信耶。釋云。
法應得護。由得護故。必能信受。

○二轉徵釋

何以故。此是菩薩最初所行。成就一切諸佛法故。譬
如書字數說。一切皆以字母爲本。字母究竟無有少
分離字母者。佛子。一切佛法皆以十地爲本。十地究

竟修行成就得一切智

疏

轉徵釋中先徵後釋徵意云何以說十地時法

應得佛護耶下釋意云如來說法不離教證最所

要故文中三謂法喻合法中最初所行者依阿含

行故成就一切諸佛法者是證智故二喻中以字

母喻於地智爲諸法本論云書者是字相如嘶字

師子形相等者以書記字非正字體言師子形者

謂尻字如蹲踞形鈔以書記字下疏釋論書卽色法字卽是又不相應行故言非

止字體言師子形者牒論解釋然嘶字本從彑娑上字流出卽十二音中第四字謂娑上娑平枲嘶

蘇上蘇引洗鯪鯪無索今嘶字卽第四字梵語輕重今古小殊大旨無異若作十二梵字者娑

上。矧。娑。因。桌。飛。嘶。下。蘇。
升。洗。刊。鯢。那。蘇。升。驗。丸。絳。升。索。

字者。論云。噦阿

等者。卽十四音。正是字體。字卽文也。等餘十二。然

有十四音。一音不入字母。謂里黎二字。數者。名句。

此二是數義者。謂有二字多字名。必以多字成句。

故皆數也。說者是語言。

卽十四音者。此下疏釋論。此譯帶古。然惡字合是第

十四字。若準興善三藏譯金剛頂瑜伽字母云。一

阿。上。二。阿。長。三。伊。上。四。伊。長。五。嗚。六。汚。七。呬。呬。

八。力。噦。引。九。噦。十。愛。十一。汚。十二。奧。引。十三。暗。十

四。惡。其里黎字。卽金剛頂中呌呌力噦字。各是一

合。故成十四。謂有一二字者。若一字名。不名爲數。二字
字名。二字名等。皆名爲數。如色。卽一字名。末那。卽
二字名。阿賴耶。卽二字名。言必以多字成句者。終無一
字句故。說者語言。義當色法。皆以字

母爲本者。明末依本。喻果依因。字母究竟者。明本

能攝末。喻因無不攝。上二順順。無有少分離字母者。反成上二。是則上書字數說。總說聲名句文。其爲教體。故此四事總攝一切能詮教法。皆用字母而爲其本。言字母者。卽迦佉等三十四字。以前

十二音入此三十四字。則一一字中成十二字。復有二合三合。乃至六合。展轉相從。出一切字。故名

爲母。論經名爲初章者。以梵章之中悉談字母。最

在初故。然五天口呼。則輕重有異。書之貝葉字體。不殊。梵天之書。千古無易。不同此土。篆隸隨時。故

此爲母。亦常楷定。

卽迦佉等者。若古三藏說。謂牙齒舌喉唇各有五音。及會音有

九牙音五者。左墮

上惹鄧財嬪。上舌音五者。謂吒。上姓。上

孥上茶去

𡇗𦵹𩫱𩫱

仍喉音五者

多上他

那駄囊

野囉

唇音五者謂波

頗麼

婆鞞

鞞聲會音九者

野囉

邏上嚙撫可

捨灑娑

娑上賀乞灑合

已上三十四字

之內卽有五音

足若般若三藏云

前五句中一句之內

卽有五音

如迦齒音

佞性氣從喉出

誠字喉音伽字

哿藏音仰

字鼻音其餘四句

準例皆然則一

一字者謂將上

阿上阿等十二字

徧入三十四如初迦字十二音

入便成迦上迦雞

雞俱上俱計上改姑

咷甘伽

去入迦字既爾入佞性

字三十三字亦然復有二合

等者如以囉字半體入迦字時

便成嗣羅金字成

也半體者一半是也

若入迦字者迦字梵書

亦

若入半體謂八此字是也

𠂔迦撻卽云迦羅

聖下

柯羅

柯羅

柯羅

柯羅

柯羅

吉梨八古路

吉梨四古魯

五姑盧六吉禮

吉梨八古路

吉梨四古魯

五姑盧六吉禮

以迦法字合沙字爲遏塞迦

卽三合字成十二字

以迦法字合沙字爲遏塞迦

卽三合字成十二字

梵字樣若此須言四合者

遏悉怛邏五合者

遏悉怛邏五合者

怛梨上也言六合者謂遏識

上彌攜上雜持也

怛梨上也言六合者謂遏識

上彌攜上雜持也

六合字已無邊如一字王但有一合

云部林有三

合云唵部林此等諸義故非正要經有論有故須

畧知耳。梵天之書者。謂大梵天王劫初之時。作此書字。以教衆生。不。同。此方者。古書隨時。有多名目。史籀是大篆。李斯爲小篆。蔡邕八分。程邈爲隸書等。皆隨時有別。三合中。初合末

依於本。後十地究竟。合因無不攝。所以須此二者。若但言爲本。容非是末。如以百錢爲本。成多財貨等。今明如水爲海本。無海非水。故云究竟無有離者。又爲本者。非但因爲果本。亦乃後爲前本。地前望證。修阿含故。初心卽以智觀如故。

○第三結請

是故佛子願爲演說。此人必爲如來所護。令其信受。疏結請可知。問。若依上義。諸佛有力能令信者。何

故今後衆生於彼法中亦有謗意答。有二種定。則不可加一感報定。以先世今世造定業故。二。作業定。宿惡熏心。猛利纏起。難曉喻故。上如釋種。下如瑠璃。上如釋種等者。並如觀佛三昧經及智度論等說。釋種報定是故必爲瑠璃王殺。瑠璃王作業定故。佛不能諫。

○二偈頌

爾時解脫月菩薩欲重宣其義而說頌曰

善哉佛子願演說 趣入菩提諸地行
十方一切自在尊 莫不護念智根本
此安住智亦究竟 一切佛法所從生

譬如書數字母攝。如是佛法依於地。

疏頌中初偈頌標請後偈頌釋請畧不頌結頌釋中長行法中無究竟之言而喻中有今此反前欲顯具有又法中明本能生末合中明末依於本皆影畧耳

○第二大衆同請

爾時諸大菩薩衆一時同聲向金剛藏菩薩而說頌言

疏同請者上來衆首請說顯衆堪聞樂聞今大衆展誠自陳有根有欲文中先敘請鈔有根有欲者故堪聞有

欲故
樂聞

上妙無垢智 無邊分別辯 宣暢深美言

第一義相應 念持清淨行 十力集功德

辯才分別義 說此最勝地

疏後正偈請於中二。前四偈半。歎人堪能請。後一

偈歎法成益請。今初亦二。前二頌歎說者。餘歎聽者。前中初五句。歎說者自成教證。後三句。歎能令他入。今初。初四句歎證。一句歎教。此中歎證辯才有三。一真實智。爲辯所依。卽經初句。無漏故無垢。過小故云妙。二辯體性。卽第二句。謂堪能分別無

邊法義故。三者辯果。卽下二句。依前起詞樂說。故名爲果。一詮表深旨。字義成就。卽下句。二滑利勝上字義成就。卽宣暢句。二有一句歎阿含。謂念持於教得淨慧無疑。名清淨行。三句歎能令他入者。初句令入證。謂已入地者。令得佛十力。未入地者。令得入地。故云集功德。集功德。卽論經淨心。淨心卽初地。由集德成故。後二句。令入阿含。辯才分別說者。意令受持十地法故。說主旣內具二力。外令他入。何故不說。

定戒集正心 離我慢邪見 此衆無疑念

惟願聞善說

疏

二有二頌半歎聽者中二初偈歎衆有根後一偈半歎衆有欲今初由有根故堪受教證初句有治次二句離所治下句結請結請惟願是總惟願有二二求阿含二求正證有二妄想不堪聞教一我二慢以我慢故於法法師不生恭敬以定戒爲治謂若有定則心調伏故內無我慢戒則善住威儀外相不彰有二妄想不堪得證一邪見顛倒見故二疑念於不思議處不生信故有二對治則能得證一正見善思義故卽經集正謂積集深思故

二者正心。信心歡喜故。

如渴思冷水。如饑念美食。如病憶良藥。
如蟬貪好蜜。我等亦如是。願聞甘露法。

疏

二歎有欲者。顯示大衆求法轉淡。於中一偈喻

明半偈法合。前有四喻。喻四種義門。示現正受。彼
所說義。一受持。謂求聞慧。初聞卽受。隨聞受持。如
水不嚼。隨得而飲。二助力。謂求思慧。嚼所聞法。助
成智力。如食咀嚼。以資身力。三遠離。謂求修慧。依
聞思行。能去惑習。如服良藥。藥行除病。上三三慧。
四安樂行。謂求證智。卽三慧果。聖所依處。現法受

樂行故如蜜衆蜂所依。故云貪也。後法合中能求一向是法。所求猶通法喻。以一甘露。總合四喻。甘露有四能故。一除渴。二去饑。三愈病。四安樂故。善哉廣大智。願說入諸地。成十力無礙。善逝一切行。

疏二有一偈。歎法利益請。直觀經文似當結請。今依論判。故云歎法。善哉是總所說法中善具足故。善哉有三。一所依。卽廣大智。說地必依此慧故。二體性。卽第二句。正說入諸地。則地地轉勝故。三者地果。卽後二句。謂具十力無障礙佛菩提故。行亦

果行。如出現品說

○自下第三如來加請。前雖二家四請。爲顯法勝。
復待佛加。前來爲分主伴。主佛唯酬意加。今欲
具於身口。故復重加。又前默與威神。今有加請。
今加爲說。不與前同。若爾。諸佛前已具於三業。
何得復加。前但是加。未是請故。今以加爲請。竝
異於前。上力被下。說以爲加。因加勸說。目之爲
請。加卽是請。故云加請。長行則以加爲請。偈頌
則以請爲加。不以常口求請。而以雲臺發言。不
以常身展敬。而以光業代者。爲不輕尊位故。要

復請者爲重法故。前加分中。不加大衆。今此加者。前若卽加說。主無由三止。此若不加。請主前言得佛護念。便爲無驗。文中通有八業二身。且分爲二。先長行有二身七業。後偈頌。但嘲請業。前中二。先此佛光照十方。後十方佛放光。照此二光互照。必互相見。一段皆有二身七業。今初爾時世尊。從眉間出清淨光明。名菩薩力燄明。百千阿僧祇光明。以爲眷屬。普照十方。一切世界靡不周徧。三惡道苦。皆得休息。又照一切如來衆會。顯現諸佛不思議力。又照十方。一切世界。一切諸佛所加說。

法菩薩之身。作是事已。於上虛空中。成大光明雲網臺而住。

疏分一。先明光體業用。後作是事已下。正明所作。今初先明光本。上加於下。多用睂間之光。亦表將說中正之道。出清淨下。正明體用。於中文有六業。一覺業。卽光明體。謂是光照菩薩身已。自覺如來力加故。覺照光用。故曰燄明。二百千下。因業能生眷屬義。故二普照下。卷舒業。舒則普照十方。卷則還入常光。今文畧無卷業。若兼取下文。如日身中。於空中住。義則通有。四二惡下。止業。五降伏業。論

經云。一切魔宮隱蔽不現。今經闕此。六叉照一切。
下敬業顯現佛會。令物敬故。七叉照十方下。示現
業。正爲令衆見說聽者皆得佛加堪。說聽故。長行
受身加之名。偏從此立。二正顯所作。卽二身之一。
言二身者。一流星身。往他方世界故。論不指經。古
德共指卷舒敬示三業當之。以是往來光體。如星
流故。二如日身。謂如日處空。卽此所作。於上空中
爲臺是也。故以身業相對應成四句。一業而非身。
謂八中除三。一身而非業。卽如日身。三亦身亦業。
卽流星身。四非身非業。此經所無。卽論經彼此相

見。以身約有體。業約有用。二則雙具。四則非正所爲故。

○二十方佛放光照此

時十方諸佛悉亦如是。從眉間出清淨光明。其光名號眷屬作業。悉同於此。又亦照此娑婆世界佛及大衆。并金剛藏菩薩身師子座已。於上虛空中成大光明雲綱臺。

疏

放光照此者。正爲照此。然其作業亦周十方。七業二身不殊此佛而加。又亦照此娑婆。經文以主佛普照。此不待言。伴佛普照。正意爲此加被相故。

○第二偈頌

時光臺中。以諸佛威神力故。而說頌言。

疏偈頌。請業中二初偈所依。望前猶屬於身。

佛無等等如虛空。十力無量勝功德。

人間最勝世中上。

釋師子法加於彼。

疏後正偈請五偈分二。前四加請所說。後一教說。

分齊前中亦二。初二偈舉法請。後二偈舉益請。前中亦二。初偈正顯作加。後偈顯加所爲。今初加於彼三字是總。此偈正爲加故。其世中上亦總亦別。望加於彼是別。以二種加中。是具果加故。望四勝。

義是總。以上卽勝義。具四種勝爲世中上故。言四勝者。亦如世王。一自在勝。所作無礙故。卽經初句。言佛無等者。由離二障。解脫自在。不染如空。十地已還。皆無等故。重言等者。唯與佛等。欲顯佛佛等正覺故。二力勝。經卽十力。能伏邪智之冤敵故。三眷屬勝。卽無量勝功德。及人間最勝。四種姓勝。謂家姓勝故。卽釋師子法於中。又二。一釋師子。是生家勝。謂應生釋姓輪王貴胄故。諸佛同加偏語。釋者。以現見故。是主佛故。二法之一字。是法家勝。謂非但生家勝。諸佛皆同真如法中住故。由上四義。

故稱法王。名世中上。上云二種加者。一具身加。依法身故。謂釋師子是有法所依之身故。二具果加。證佛果故。卽是世中上及別明四果勝異未成佛之色身故。今此具德之人。加金剛藏。

佛子當承諸佛力

開此法王最勝藏

諸地廣智勝妙行

以佛威神分別說

疏第二偈加所爲者。欲令開現法藏義故。文中初句。及下句。以佛威神是說所依。餘文正辨所爲。開勝藏一句是總。下十字是別。別歎勝藏。有其二種。一義藏成就。二字藏成就。義藏卽勝妙行行者。諸

菩薩行。所謂助道法故。妙者。真實智故。卽是證道。勝者。神力勝故。是不住道。染淨無礙。故云神力。如是顯示深妙勝上之義。二字藏者。卽諸地廣智及分別說。謂說十地差別相故。上舉法請竟

若爲善逝力所加。當得法寶入其心。

疏第二舉益請者。顯所說法利他。有三時益故。二偈分三。初半偈聞時益。若得上加。則法寶入心。成聞持故。

諸地無垢次第滿。亦具如來十種力。

疏次半頌修時益。上句修時因圓。下句所修果滿。

雖住海水劫火中 堪受此法必得聞

其有生疑不信者 永不得聞如是義

疏後一偈轉生時益。卽具堅種人。上半順明。明有

信之益。下半反顯。舉無信之損。

鈔卽具金剛種人謂

難而得聞經以彰聞經益之深遠論經但有順明種子無上故地獄天子二重頓圓

偈云。雖在於大海。及劫盡火中。決定信無疑。必得

聞此經。今經堪受。卽決定信義。此中大意云。若有

信有機爲堪受者。無問惡道善道。難處生者。皆得

聞經。以難不障聞。故言雖也。海水劫火。卽是轉生

難處。大海卽是惡道。畜生趣故。故論云。龍世界長

壽亦得聞此經。偈言雖在於大海故。而言長壽者。如有經說。右脇著地。未動之間。已經賢劫千佛出世。更一轉亦爾。但毘臥息尙爾。况其一生劫火中者。卽是善趣。論云。雖在色界光音天等。亦得聞此經。偈言及劫盡火中故。此卽指二禪已上爲長壽天難。然論無長壽之言。而前龍趣卻有長壽。且三惡爲難。不必長壽。恐是譯人誤將此中長壽入於前文。然二經中文皆巧畧。若具應言。劫盡火起時。在光音天中。故論爲此釋。以火起時。初禪無人。二禪不爲其壞。於中得聞故。等言。等取三禪四禪。免

水風災長壽天難乃至無色亦皆得聞今舉初攝後及對水成文故云劫火按智論等通上二界除五淨居皆長壽難今不取初禪者以彼有梵王多好說法有覺有觀聞法障輕又正已燒故不說之上順論釋八難之中善惡二趣各舉其一理實八難皆容得聞又劫火之言兼佛前後劫壞之時無佛出故修羅地獄容在海中則兼數難矣今經但云劫火則正在火中亦容得聞以衆生見燒燒處有不燒故火中之言卽法華意華藏品已引故華藏云劫燒不思議所現雖敗惡其處常堅固卽明火中聞也火浣之布火中之鼠炎鐵團內而有蟲生衆生業殊豈妨火中聞法方對海水

之內。正問。若依前義。云何堪受法人復生難處。答。在其中。此約乘戒緩急。應成四句。一乘緩戒急。生長壽北洲。不聞法要。一乘緩戒急者。事戒嚴峻。纖毫不犯。受生或隨禪梵世。耽湎定樂世。雖有佛說法度人。而於此類全無利益。設得值遇。不能開解。震旦一國。不覺不知。舍衛三億。不聞不見。著樂諸天。及生難處。不來聽受。是此類也。譬如如禁繫之人。或以財物求諸大力。申延日月。冀逢恩赦。在人天中。亦復如是。冀善知識。化導修乘。卽能得解脫。若於人天不修乘者。報盡還墮三惡。道中百千佛出。終不得道。二者乘急戒緩。生三塗中。不礙聞法。故佛會中。多列龍鬼等類。一乘急戒德薄垢重。煩惱所使。是諸事戒皆爲羅刹利之所噉。食專守理。戒觀行相續。以事戒緩。命終卽墮三惡道中。受於罪報。於諸乘中。隨何乘強。强者先牽。若一乘強。卽聞華嚴等。二者乘戒俱

急。則人天聞法。

三乘戒俱急者。謂具持衆戒。理事無瑕。於諸妙乘觀念相續。卽於今

生便應得道。若未得道。此業最强。强者先牽。必升

善處。隨戒優劣。欲色等殊。隨乘勝劣。運出亦異。若

一乘急。卽於人天等身中。聞華嚴等。

四乘戒俱緩者。謂具犯眾戒。又復無乘永墜泥犁。失人天報。神明閻塞。無

具。又不聞法。

四乘戒俱緩者。謂具犯眾戒。又復無乘永墜泥犁。失人天報。神明閻塞。無

得道。期展轉沉淪。不可度脫。

今海水劫火是二三兩句。餘二無

乘。故經論不畊。卽後半意。勉旃學徒。願畱心法要。

故涅槃云。於戒緩者。不名爲緩。於乘緩者。乃名爲

緩。

涅槃第六。當四依品。因明菩薩忘犯護法迦葉

菩薩白佛言。世尊。如是菩薩摩訶薩。於戒縱緩。

本所受戒爲只在不。佛言。善男子。汝今不應作如

是說。何以故。本所受戒。如本不失。設有所犯。卽應

懺悔。悔已清淨。乃至云。善男子。於乘緩者。乃名爲緩。於戒緩者。不名爲緩。菩薩摩訶薩。於此大乘。不

作解慢。是名奉戒爲護正法。以大乘水而自澡浴。
是故苦薩雖見破戒。不名爲緩。釋曰。此意唯以大
乘爲乘。今疏文意亦取大乘正法爲
乘耳。故結勸云。畱心法要。旃猶之也。

應說諸地勝智道 入住展轉次修習

從行境界法智生 利益一切衆生故

疏第二偈 教說分齊中。應說諸地者。總勸說也。
說地何義。謂應說前字藏之中。諸地廣智三漸次
相故。次修習言。卽爲總相。言漸次者。漸明非頓。次
辨不亂。云何爲三。一觀漸次。二證漸次。三修行漸
次。此卽十地之中。加行根本。後得。二智爲地。地中
初中後相也。勝智道者。卽觀漸次道者因也。以加

行智爲正證勝智之漸次。故名勝智道。次入住展轉者。是證漸次入者。入地心住。卽住地心。未轉向餘地故。展轉卽出地心。地轉所住處故。卽此三心證智。自爲漸次。第三句。卽修行漸次。以後得智。要由證真修行方能了俗。故名修行漸次。言法智者。正辨後得智體緣法別故。名爲法智。此智從二境生。一由證真。故云從行生。故論云。行者入住。展轉成就故。二外能了俗。故云從境界生。故論云。境界者。此行種種異境界故。謂以正證之行。行於俗境。是後得也。利益衆生一句。結說之益。亦是後得。

智境。問。地地正證者。如初地中正智。親證真如。則後九地中。不應更證。以如無二。無異故。古德釋云。如雖一味。約智。明昧。有十親證。此亦順理。

○自下第三許說分齊。謂所說不過義說二大。是地分齊。於中二先敘說儀意。後正顯偈辭。今初爾時金剛藏菩薩。觀察十方。欲令大衆增淨信。故而說頌曰。

疏觀察十方。是敘說儀論云。示無我慢。無偏心。故觀十方佛。將欲承力。故無我慢觀十方機。擬將普被。故無偏心。故上下文皆云。承佛神力。普觀十方。

也。亦可普觀物機。不慢旁人。普觀諸佛。不偏一佛。
欲令大衆增淨信者。是敘說意。謂衆先有信。淡渴
所聞。今更示說正地二大。增益聞者。堪受正義。不
如言取名。增淨信。若準論經。更有增喜。彼經云。欲
令大衆重增踊悅。生正信故。以踊悅卽是淨信。故
今畧無論云。踊悅有二種。一義大踊悅。爲得義故。
二說大踊悅。因此說大。能得義故。鈔三示說正地。該
爲義大。乃成穿鑿。義名所以。淡廣稱大。卽是當法
受名。說名詮表。因於此說。得彼義故。依所得義。故
名爲大。大之說故。依他受稱。聞於二大。皆踊悅者。

因詮得旨。湛淨無疑。法喜內充。故增踊悅。大意如
此。然二大體相。賢首釋云。此經宗要。有六。一所依
果海。如太虛空。二地智所證。十重法界。如空所畫
之處。三根本智能證法界。如能依畫相。四此地後
得。隨事起行。悲智不住。五諸地加行所起行解。爲
趣地方便。六寄法顯成諸地差別。如第二地中。十
善爲正。三地禪支等。於此六中。前三合爲義大。後
三合爲說大。古德因此復辨可說不可說義。然下
論自明。因果二分說。不說義。非無旨目。故今敘之。
於中先就義大。次約說大。後辨雙融。義中有二。

約果海。可以總標。令人知有名爲可說。不可指斥。
示人名不可說。二約證處。既此所證。離相離名。還
云此法不可說聞。以此遣言之言。當彼法故。名爲
可說。有言斯遣。名不可說。三約本智。謂以遮詮易
解。故名可說。直詮不逮。故不可說。謂以空中鳥蹟。喻於證智。說有
空中之蹟。卽是可說。不可說。示其長短大小。卽不可說。攝論云。無分別智。離五
相故。謂睡眠昏醉等。以直詮不到。故約遮詮以示
彼法。二就說大中亦三。一約後得智。隨事行相。可
以言分別。是則可說。是出世間。故不可說。二約加
行智。謂是意言觀。故是則可說。觀中行相。言不至

故名不可說。三約所寄法可以寄此表示令人解十地。故名爲可說。不可以此卽爲十地。名不可說。三約雙融中。此上六中各說。卽是無說。無說卽說。無二俱融。準思可知。又果海離緣。故不可說。所證就緣。是則可說。二所證非修。故不可說。能證修起。是則可說。三正證離相。故不可說。後得帶相。是則可說。四後得無分別。故不可說。加行有意言。是則可說。五加行觀無分別。故不可說。寄法表地。是則可說。此上不可說。皆各不異於可說。以真理普遍故。可說不異不可說。以緣修無性故。是故下文雖

說一分。義亦不少。故論云。如實滿足攝取。故意在於此。涅槃亦云不生生等。皆不可說。有因緣故。亦可得說。故說不說不可局執。餘至下明。

上來敘意竟

○第二正顯偈詞。有十二偈。大分爲二。前七顯義大。後五顯說大。今初分四。初四偈。總顯地智微妙。二有一偈類地行微。三有一頌。寄對彰微。四有一頌。喻顯地微。今初分二。初二總顯地微。後二別顯微相。今初

如來大僊道。微妙難可知。非念離諸念。

求見不可得 無生亦無滅 性淨恒寂然

離垢聰慧人 彼智所行處

疏初正顯地智微妙之相。故論云。此偈依何義說。

依智地故。依者據也。云何知依智地。上來本分請
分。皆依智地。後說分中。亦說智地。卽今此中第六
偈云。智起佛境界。亦依智地。明知此顯地智微妙。
非別明佛果。言微妙者。二偈總相。卽前地智超言
念故。餘皆是別。別中初句是微體。餘皆是微所以。
於中難可知。總顯所以。下六句別顯所以。云何難
知。此有二義。一說時難知。口欲辨而詞喪故。二證

時難知。心將緣而慮息故。上大仙道是所證說。大仙是佛故。言微妙道者是因。修行證智之因。得大仙果故。六句別顯微所以中。初句卽說時難知。言非念者。非有念慮分別心者之境界故。何以非是念慮境耶。以此地智自體無念故。故云離諸念也。由上二義。如是聖道。名爲甚微。下之五句。明證時甚微。於中復有總別。初句爲總。求欲證見。難證得故。以無見無得。方能證故。下四句別。有四甚微。第一觀行。第二依止。第三清淨。第四功德。初句卽功德甚微。不生者契理出世故。不滅者。非一往滅。不

捨利益衆生事故。卽無住涅槃寂用無礙功德。次
句卽清淨甚微。性離煩惱。非先有染。後時離故。名
爲性淨。如此。則無不離之時。故恆寂然。卽性淨涅
槃。言離垢者。卽觀行甚微。謂觀智中離無漏垢故。
不同世間八禪爲無漏雜故。聰慧人下。卽依止甚
微。聰慧人者。登地以上。有智之者。彼人之智能行
地智。鈔言依止者爲行依故。何智能行。若就總就實。唯一實
智。見一實諦故。若就別兼權。則通三智。一加行智。
增上善勝解故。一根本智。增上善寂滅故。謂滅諸
惑證寂滅理故。二後得智。隨聞明了故。云何行處。

此之地智。是彼證智自證知故。依彼地智。說證智生。故說爲行。非正證時。有能所行也。上四微中。功德異小。觀行異凡。依止清淨。揀異外道自尊之者。以智斷異故。前清淨微是斷德。不同彼有見惑及滅心想爲清淨故。依止卽是智德。不同彼以六行而伏惑故。上依增勝。若通說者。竝異凡小。

○第二兩頌別顯微相

自性本空寂 無二亦無盡 解脫於諸趣
涅槃平等住 非初非中後 非言辭所說
出過於三世 其相如虛空

疏論云。此甚微智。復有何相。此徵體相也。是智有二相。初二句。明同相。智體空寂故。後六句。不同相。智位差別故。今初同中。上句總下句別。總中此是誰相。彼智相故。故言自體。此智自體以何爲相。謂本空寂。何以言同。此卽性淨涅槃。上同諸佛。下同衆生。一切衆生皆有此故。橫同諸法。諸法皆如故。此如卽是自體空故。一切皆以空爲自性。智性色性。本無差別。一切皆有安樂性故。鈔安樂性者。卽涅槃性。下句別者。論經加一有字。云有不二不盡。釋云。此智空寂。其相云何。謂離三種空攝。是真空相。三種空

者。卽地前空亂意菩薩。一。疑空滅色。取斷滅空。此失空如來藏。卽損滅也。二。疑空異色。取色外空。三。疑空是物。取空爲有。今云有者。卽初離謗攝。不謂斷滅如兔角故。言不二者。卽離異攝。不謂異此空智。更有異空。言不盡者。離盡滅攝。不謂有彼此自體。彼此轉滅故。此明非滅有體之智。成有體之空。亦非空有物可轉滅也。離此三空。卽見自性本空。空如來藏。今闕有字。如何會通。以不盡攝之。謂有體。故不盡無。則異於斷滅。若無可盡滅。則非有物。義如前說。三種空義。如寶性論第四所明。二有六

句明不同相者。卽方便淨涅槃。涅槃是果。此云何
是。約分證故。又是所依果海。如下十山十德。不離
海故。此當義大。不可說故。今嘲地智。應是菩提。那
言涅槃。若分相門。則所證爲涅槃。今顯相融。卽智
之性。爲性淨涅槃。智出惑障。爲方便淨涅槃。二而
不二。難說甚深。良在於此。文中解脫。是總餘皆是
別。總謂淨相解脫。故異前也。寶性論第四云。清淨
有二種。一自性清淨。謂性解脫。卽前同相。一離垢
清淨。謂得解脫。卽此淨相解脫。別中以別顯總。別
有二種。一何處得解脫。卽經於諸趣也。此顯所脫。

謂煩惱爲趣緣。業爲趣因。生爲趣果。故三雜染皆
諸趣攝。若脫因緣。則無生果。二云何解脫。卽下五
句。此明解脫之體。五句卽顯五種解脫之相。一等
二際。是觀智相。二斷煩惱。是離礙相。後三體德圓
備。卽是涅槃之相。云。三明般若。是觀行相。四明法身。是轉依相。五明
解脫。是無礙相。今以後三合爲涅槃。前之二義。亦
三德。開出般若。約決理邊。卽名觀智。約契合邊。卽
名觀往。無間道斷。卽斷惑相。解脫道證。卽證無礙
相。故雖五句。但是三德。言平等者。謂世間涅槃平等攝取。非

如聲聞一向背世間故。以世間之性。卽涅槃故。中
觀云。世間之實際。卽是涅槃際。無毫末差故。一斷

惑相者。謂三時無斷方說斷故。故云非初非中後。

雜集第七云。從何而說煩惱斷耶。不從過去已滅無故。不從未來以未生故。不從現在道不俱故。此卽三時無斷義也。中觀廣說。卽以三時門明無斷義。無斷卽是性空。以有性空義故。一切法得成。故成斷義。

第二斷煩惱竟。非言詞下三句。明三德者。初

句卽般若。是觀行相。謂無分別觀體。絕名言。真智內發。不同聲聞依聲而悟。前云觀智。約其決了。此云觀行。約行契極。次句法身。是轉依相。謂轉無常依。云出過三世。故此微智。依常法身。論云。非如無常意識智。依止無常因緣者。此揀未轉依時。今爲所轉依也。無常意識智是彼能依。無常因緣卽是

所依持種本識是無常因。所情染淨諸種子等是無常緣。依此因緣起無常意識。今轉無常識成妙觀察智。轉無常意成平等性智。以爲能依。依彼本識如來藏性真如法身以爲所依。論云。如修多羅中決定說者。是了義故。涅槃經說。轉無常識。獲常識故。諸大乘經。其文非一。問。所依本有。可得是常。能依修起。寧無生滅。若依唯識。所依常故。能依亦說爲常。非自性常。是有爲故。若起信等。始覺同本。亦皆是常。勝鬘經云。一切法常住故。勝鬘經者。若別說三身。如來妙色身。世間無與等。無比不思議。是故今敬禮則說化身。如來色無盡。智慧亦復然。卽歎報身。一

一切法常住。卽歎法身。是故我歸依。總歸三身。旣云
一切法常住。則上二身。豈非常住。亦同法華世間
相常住。世間尙猶常住。三其相如虛空。卽解脫相。不
住三身。豈得無常。

同聲聞。猶有智障。二障雙亡。故如空無礙。三德之
義已見上文。然圓滿在佛。圓教十住。卽許開發此

中約因。卽言分得。所依果海。等佛無差。

見上文者。卽問明呈

然下出現品。復當廣明。然圓滿在佛下。約位分別。
卽天台智者意。約圓教六。卽以明。一理。卽三德。謂
一切衆生平等。共有一。卽三雜染煩惱。卽般若。結業
卽解脫苦報。卽法身。迷成三雜染體。卽三德。二名
字。三德。謂於圓理。若因。若果。解了分明。三觀行三
德。三德圓修。障無不寂。理無不照。寂照雙流。徹見
心性。又一空。一切空。卽是般若。一假。一切假。卽是
解脫。一中。一切中。卽是法身。四相似。二德。謂六根
清淨。身如琉璃。照法實相。業繫不羈。五分真三德。
如初發心。住得如來。一身無量身。說法智慧。所作

自在。六究竟二德。即是如來。今此。卽當分真二德。
今云圓滿在佛。卽究竟三德。十住開發。卽是分真。
此中約因。卽言分得。亦分真也。從十住初心。
直至十地。皆名分真故。所依果海。卽等究竟。此不
同相。由得前同。成斯不同。能顯前同。令離障清淨。
無別不同。如融金成像。像非金外。

○第二一偈類地行微

寂滅佛所行。言說莫能及。地行亦如是。
難說難可受。

疏於中上半牒前地智離言以爲能類。下半正舉
地行以爲所類。初中謂彼前地智顯二涅槃。皆言
不及。寂卽同相性淨涅槃。自性寂故。滅卽不同相

方便淨涅槃。要智緣滅。非約性滅故。此二涅槃是
佛所行。故言不及行者。證也。言不及者。說聽皆難
也。何不直說無言。而云言所不及。若一向無言。何
由悟解。令尋言求理。而知理圓言偏。故但云不及。
下半所類者。謂非唯證智如是深玄。而令智眷屬
行。亦難說受。論云。地者境界觀。行者智眷屬。智眷
屬者。謂同行。同行者。謂檀等諸波羅密。言境界觀
者。如爲境界。照達名觀。此卽加行。設地是地體。意
在舉地取行。故云地行。將此地智。修行檀等。故名
同行。同彼事而行故。斯卽後得。爲證智眷屬也。

○第三一偈寄對彰微

智起佛境界。非念離心道。非蘊界處門。

智知意不及。

疏寄對彰微者。對聞思等以顯微故。初句舉法體。

智是所起地智。卽前五偈所明根本之智。起者。卽
加行後得。二皆觀如。如卽佛境。並爲能起。次二句
明難說。於中初句。非心數故難說。非念者。非思慧
境故。離心道者。非報生識智境。故報生識者。如上
違。請中辨。後句明不同三科。有色心根境。故不可
說。論經云。非陰界入說。論釋非說云。離文字故。今

經畧無說字。門卽是說。故法華中以說爲智門。下句明不可聞。智知者。唯證智知故。意不及者。如聞取故。卽依智不依識也。

○第四一偈喻顯地微

如空中鳥跡。難說難可示。如是十地義。
心意不能了。

疏上半喻。下半合。此中喻者。不唯取空。餘處虛空。不爲喻故。不唯取迹。砂土上迹。不爲喻故。正取空中鳥迹。論云。鳥行空中。迹處不可說。相亦不可見者。總顯喻相也。處卽迹處之空。相卽空處之迹不

可示其長短大小令見。不可說爲有無等。此中迹處之空以喻證智。空處之迹以喻阿含。故論合云。如是鳥迹住處。名句字身住處也。何以不可說。論云。虛空處鳥迹相不可分別故。意云。鳥足履砂。則有迹及處。山履空故處迹難分。名句字身亦爾。菩薩證智所攝。故不可說聞。若說若聽。心意不能了也。故以證攝教。如空攝迹。令名句等。非如聲性也。以是證智之名等。故上明麤相非有。順喻不可說。聞後。明細相不無。以喻可證。論云。非無虛空行迹故。謂迹處之空異於餘空。喻非無地智。空處之迹

異於無迹。喻非無名句字身。以有鳥行必有迹故。
故論云。非無地智名句字身。卽雙合也。謂有諸聖
親證如故。證尙不無。况於言教。又以空攝迹。迹不
可示。以迹攝空。空亦非無。喻以證攝教。教不可示。
以教攝證。證可寄言。喻意正爾。若欲開鳥異迹。則
鳥喻言詮。迹喻差別地相。則有三事。而迹處中。以
迹隨於鳥。迹相非無。以迹隨於空。迹相非有。喻以
差別隨於詮。差別非無。地相隨於證。差別非有。若
更開迹處之空異太空者。則迹空喻證智。太空喻
果海。迹空隨於迹。地智可說。迹空隨太空。則地智

離言。雖通此義。在論無文。若以迹喻證智。如前風
畫中辨。鈔言如風畫中辨者。以上空中風畫例同。
將二喻所詮者。仍有兩重。一以風畫喻地相。所
依空。喻證智。一以風畫喻果海。今
取例第二。意然其風畫三偏用之。方成四事。一。喻
言教。二。喻地相。三。喻證智。兼所依空。喻所證。十。如
四大。太。空。喻。果。海。然其風畫離於空中風畫。無別風
畫。如鳥異迹。故無空處。之。以斯鳥迹之喻。暎下十
地之文。則寄位淺深之言。施戒禪支之類。一文一
句。莫不淡玄。豈謂地前爲深。地上爲淺。故論總結
云。此中深故示義大踊悅。此中鳥迹亦雙喻教證。
難說難聞。何異請中風畫之喻。故論云。云何復說。

論答云。汝等不應如聲取義。此意云。上喻及法。是顯默不說之意。此中喻及難說。誠衆捨著。許爲宣說。意不同也。若以著心隨聲取義。有五過失。一不正信。以隨言解。不稱實故。二退勇猛。不能忘相趣實理故。三者誑他。以已謬解爲人說故。四者謗佛。指已謬解是佛說故。五者輕法。以淺近解。解淡旨故。謂法如言。不殷重故。意令大衆自知。無此五過。所以酷曠難說難聞。今人以地上爲淺者。竝陷斯五失。故歎難說聞。則翻斯五失。以成五德。已說淡義。令生正信。

○自下第二復顯說大命生正信。五偈分三。初一偈半。正顯說大三成就義。二有三偈彰已無過誠衆除失。三有半偈示說分齊。但是說因。今初慈悲及願力。出生入地行。次第圓滿心智行非慮境。是境界難見。可知不可說。

疏言三成就者。一因成就大。謂慈悲願力爲起行本。故名爲因。二因漸成就大。謂聞思慧等爲出世智因。起之不頓。故名爲漸。三教說修成就大。謂卽修慧。眞修契實。如於正證。可寄言詮。故名教說。教說二字。正揀義大。非如果分不可說故。因成就太。

卽初二句。慈悲是利他。願通二利。力通上三。以二利熏修。不同二乘。故名爲力。下句卽二利之功。出生地行。正是因義。一因漸成就大。卽次第二字。論云。說聞思慧等次第。乃至能成出世間智因故。此云等者。通有二義。一者等上。以其修慧是第三大。故不等之。二者等修。修有二種。一者緣修。屬此門攝。二者真修。屬第三攝。由等義有包含。故但云等。不爾。何不但言聞思修。而以等智修。三圓滿下。明教說修成就大。此有二種。一滿足修。卽初八字。二者觀修。卽後兩句。真修位極。世慮都寂。能滿地智。

名滿足修。真智內發。寂照分嘲。名爲觀修。初卽稱性寂。然後卽寂而能照。猶瑩朗鏡垢無不淨。如滿足修。鑒無不徹。如彼觀修。此二種修。望於真證。猶彼等妙。等覺等於妙覺。而但是因圓。妙覺捨行。方稱果滿。此亦然也。二修如於出世。但是因分之終。正證捨修。方名果分。諸有智者。請鑒斯旨。文中慮卽聞思。智卽真修之智。心卽真修心體。謂若無聞思緣慮之心。方名真修之心圓滿。故唯真修之智所能行耳。次觀修中是境界者。卽真修之境。難見者。非聞思能見。可知者。唯真修自心寂照方知。知

卽見也。旣難可見。亦難可說。而隨修以顯。說大中。
收不同果分。但是淡義。鈔旣難可見下通妨妨二云。
既難見聞。何不義大中收。

後而隨修
下會釋

○第二彰已無過誠衆除失

佛力故開演 汝等應敬受 如是智入行
億劫說不盡 我今但略說 真實義無餘
一心恭敬待 我承佛力說 勝法微妙音
譬喻字相應 無量佛神力 咸來入我身

疏 分二。初半偈總嘲。後二頌半別顯。今初由說聽者各有二過。不能得證。故並彰離說二過者。一佛

不隨喜說。今云佛力開演。則知佛已隨喜。二不平等說。今云汝等應受。則情無彼此。聽二過者。一見諍過。言我法是。彼法非。如是執著種種諸見。一於說法者不生恭敬。今令敬受。雙離二過。謂敬法故。無見諍過。以敬人故。無第二過。第二別顯中上。雖離四過。事但有三。一承力。二開演。三敬受。今三段廣之。初一偈廣開演。次一偈顯敬受。後半偈顯承力。今初上但云開演。未知廣畧。今顯畧而非廣。上半顯智入之行。深玄廣說。不盡言智入行者。地法爲所入。證智爲能入。行此智行。則入地法。又智入

是證智。行是事行。下半今雖畧說。攝廣無遺。眞實者。卽智入行也。無餘者。若事若理。無不具故。第二顯敬受者。卽示恭敬相。初句正明。三句出因。恭敬有二。一身正恭敬待。如威儀住。堪受說法故。一心正恭敬待。如心決定。堪能憶持故。心敬則身必恭敬。偈但云心也。下釋恭敬所因。謂由善說故。初句對人。彰已善說。說之一字。論經名善說。善說者。對於當機。無諂無憐慢故。承佛力者。示已無增上慢。不言齊佛故。次二句對法。彰已善說。勝法二字。卽是所詮。次六字是能詮。其相應二字。通能所詮。文

雖三節義乃四重。一今之所詮示現何事。所謂勝上地法。故云勝法。二復徵云。所詮是地能詮多種。或以色香威儀進止。皆爲能詮。爲用何法爲能詮耶。故論云。以何事答云。我用八種梵響微妙音聲。以爲能詮。不用香等。故經云微妙音。三復徵云。用此音聲。復有多種。爲直爾用。爲喻類顯。故論云。云何事。答云。非直爾顯。寄喻類明。故云譬喻。然喻有二種。一是譬事爲喻。如下節節引金莊嚴具大海珠寶等。二借法相事。況出於理。曉喻時聽。亦名爲喻。今通此二。四復徵云。雖知喻顯。喻亦多種。爲依

世間不善文字而爲喻耶。爲依出世善字喻耶。故論云。依止何事。答云。依於善字。經闡善言。論經具有。云何相應。通能所詮。一以妙音聲與喻相應。是約能詮。二約善字與理相應。是通所詮。故論云。善

字有二種。一隨方言音。善隨順故。二字句圓滿。不增不減。與理相應故。又與能詮三事相應。則與理

相應也。鈔三事。卽聲字譬喻。第三廣承力者。論云。前言承佛神力。未說云何力。故說此也。無量佛者。畧有三類。

一是主佛。二十方金剛藏佛。三十方一切佛也。

○第三示說分齊

此處難宣示 我今說少分

疏於中上句牒前所請。兼結上來義說二大爲此處也。難宣示義廣如上辨。下句許說少分論上解云。前言十地如是。不可得說聞。今言我但說一分。此言有何義。是地所攝有二種。一因分。二果分。說者謂解釋。一分者。是因分。以於果分爲一分故。然因果二分。古有多釋。全乖文旨者。今所不論。有可通者。正而用之。直望論意。卽指義大爲果分。故不可說。說大爲因分。是則可說。更以義取。畧有二種。一唯就十地以明。以證智爲果分。方便寄法等竝

爲因分。此復二義。一以修證相對。則方便造修爲因分。息修契實爲果分。一以詮表相對。則以寄法顯地差別爲因分。真實證智爲果分。如初三地寄同世間。次三寄二乘及禪支道品等。分衆因此表解地義爲因。所表證智是此因之果。斯皆證智。言所不及。故不可說。如彼鳥迹。同於虛空。方便寄法。可以言顯。故云可說。如空中鳥迹。約鳥說異。是以一迹通有一分。即可說不可說也。二約究竟佛果。對普賢因說。義通一部。謂即此證智。冥同究竟果海爲果分。如迹處之空。不異太空。地相之因。同普

賢因。以廣說。則有無量差別事。殊勝願力。復過於此故。是則迹處之空。隨於空處之迹。亦有說義。地智亦可寄言標舉。故問上論云。是地所攝有二。如何說爲究竟果耶。答。豈不向言冥同果海。故上論云。此智是誰證。偈言佛所行故。又上加分云。不思議佛法。又地影像分云。彼十大山。因大海得名。大海亦因十山得名。菩薩十地亦爾。同在一切智。因一切智得名。彼因果相順故。是知論王亦用究竟之果爲十地攝。

論此中大意有十。文自具足。不須更釋。其十事者。

一諸佛摩頂。勗印可許說。二總舉十種地名。三默止待請方宣。四法可貴。不輕授物。四解脫月知時而三請。五金剛藏菩薩恐器劣而三止。六大衆咸同請。七嘲堪聞者。諸佛所加。不堪者。元自不聞。八嘲光臺出音勸說。九嘲佛光灌頂。十嘲金剛藏菩薩辭退。法淡難說。畧說少分。大意嘲此十地體。與十信。十住。十行。十迴向。十一地。互作依止故。是故從十信十住十行十迴向。總有十地行門次第。爲以一箇如來自在無礙大智。同行一箇十波羅密。以爲方便進修故。總是初會十普賢法故。是故解

脫月菩薩。以字母等。喻一切書字及數說。無離字母。一切佛法皆以十地爲本。明此十地法通。因徹果。不離如來根本智。依十普賢行修差別智故。滿薩婆若海故。是故從初舉果勸修中放眉間光。名菩薩力智光明。入佛足下輪中。用成十信。今還於如來眉間放光。名菩薩力燄明。灌金剛藏菩薩頂。用說十地足下光明。以果成因生信。此光明說十地。是所信之果終。是故今還放初所信之十地智果之光。用灌加持金剛藏菩薩頂。令說此十地之行從頂入者。明十地是一切菩薩中道智果頂故。

至一切智之盡處。故是故如來出現品。法界品。總於如來眉間放光。總明果體智光圓滿處。故又光從頂入者。明以從智頂處世行悲。稱十廻向中所發大願。今行滿故。明此十地長養大慈悲門。赴所願滿足故。是以善財知識。以十女天表之。十一地明悲滿從智。徧利衆生。以佛母摩耶生佛表之。須妙得其意。方可成信解之門。升進之路。不窮大教。無可指南。

○自下大文第七明說分中二門分別一來意。謂請儀既終。已示分齊。彰其地實。地實難明。寄顯

在相。相卽因分。從此已下。廣畊地相。令尋相得實。故有此來。又請分生其正解。此後顯其行修。故次來也。○二釋名。演暢宣陳。十地差別。故名說分。以上請分。通請十地。對請辨說理。必宜通爲歡喜在初。受斯總稱。故論云。自此以後。正說初地。旣有初地說分。卽知十地皆有說分。○三釋文者。十地卽爲十段。就初地中。七門分別。一來意。二釋名。三斷障。四證理。五成行。六得果。七釋文。○初來意者。十地之中。最初斷障證理。得聖性故。○二釋名者。此論所釋。已見本分。當經

有釋。備於下文。今引他部。成立正義。唯識第九云。初獲聖性。具證二空。能益自他。生大喜故。此有三義。一。得位。二。證理。三。成行。由此三故。名極歡喜。○三所斷障者。唯識第九中。異生性障。是此所斷。謂二障中分別起者。依彼種立異生性故。二乘見道現在前時。唯斷一種。名得聖性。菩薩見道現在前時。具斷二種。名得聖性。此言異生。卽是凡夫。梁攝論中。名凡夫性。此論本分中。名凡夫我相障。此障障於初地。上來就能起煩惱。是根本故。說斷二障。若具說者。亦斷惡趣諸。

業果等。由斯初地說斷二愚及彼麤重一執著
我法愚。卽異生障。二惡趣雜染愚。卽惡趣諸業
果等。此業果等雖非是愚。愚品類故。下九地中。
愚皆準此。○四所證理者。由斷前障。證偏行真
如。謂此真如。二空所顯。無有一法而不在故。采
攝論中。名爲偏滿。偏滿一切有爲行故。意明無
有一法非二空故。此地最初。偏證偏滿。○五所
成行。畧有四種。一約增勝。修成施行。二約所成
起十大願。三約修成。謂信等十行。四約實行。謂
十度等行。無不皆修。餘所修行。釋文自顯。〔鈔二
約所

成者。大願告發。至於初地能如願作。故稱所成。
復名爲行。謂信等者。卽淨治地法。文在行校量
中。一信。二悲。三慈。四捨。五無有疲厭。六知諸經
論。七善解世法。八慙愧莊嚴。九具堅固力。十供
養諸佛。依教修行。

○六所得果。略有四種。一得當地滿

時調柔等四果。二得檀行成大財果。三依攝論

通達障空。得一切障滅果。四通論得唯識三性

三無性理智及奢摩他毘鉢舍那等果。然上諸

門多依行布。若約圓融。一斷一切斷。一證一切

證。一行一切行。一得一切得也。

○第七釋文。分

二。先長行。後偈頌。前中若直就經文。應分爲二。

初明地法。後佛子菩薩住此地多作闍浮提王。

下。地果。前中先廣。則後佛子是名下。總結。前中
有三。初。則明入心。次。佛子。此菩薩以大悲爲首。下。
則明住地心。後。佛子。菩薩住此歡喜地已。以大願
力得見多佛下。則明其出心。十地之文。大體皆爾。
故依慈氏論於十地內。皆有三心。仁王上卷亦
云。地地上中下三十忍。地地中。始生。住生。終生。
不可得等。理必然也。而論以出心爲調柔果所
以。至下當則明。今且依論判長行中二。先。則明初地
說分。後。佛子。菩薩住此下。校量勝分。前中依論
總有百句。分爲三分。初四十句。則明住分。二。佛子

菩薩住歡喜地下三十句。釋名分三佛子此菩
薩以大悲下三十句。安住地分。若通取校量勝。
卽爲初地四分。初云住者。出世菩提心生堅守。
初地更不退失。故稱爲住。卽始住入心初雖住。
地未得名善。更起信等。地中善住。故名安住。卽
地中正住。及後一分。竝是住心。其釋名分十地
應齊。但從義顯。偏釋三地。謂初及八十餘畧不
論。以初地是得聖之始。釋名故用初八地無功
用。初法雲菩薩地盡。各無數劫滿。故偏釋也。然
十地中。旣三心齊證。則地地之中。皆攝前之三

位。此中住分。攝發心住。其釋名分。攝歡喜行。後之二分。攝救護衆生離衆生相廻向。皆文義相順。如文思之。今初住分。文分爲二。初別顯住法。後菩薩住。如是下。結住入位。前中四十句。分四初十依何身。次十爲何義。三有十句以何因。四有十句有何相。初謂淡種善根爲所依身。次爲得佛果爲所緣境義。上二皆發心緣。三以大悲爲發心之因。四以過凡得聖爲發心福利之相。瑜伽四十七。亦有四相。論依經造。故同於此。又此四事。卽三種菩提心。淡種善根是淡心。次爲

求菩提是直心。三卽大悲心。具此三心。成後入地之相。又此四段。各具含三心。可以思準。今初依何身十句。

佛子。若有衆生。深種善根。善修諸行。善集助道。善供養諸佛。善集白淨法。爲善知識。善攝。善清淨深心。立廣大志。生廣大解。慈悲現前。

疏

初總餘別。總云。若有衆生者。是具行之人。依地持論。是解行人。有如是心。則入初地。入已。此心常現在前。下諸地中。初之十心。類此可知。言淡種善根者。止是總句。論經名厚集。集卽種也。若約圓融。

則不定時數。若依行布。謂一僧祇已積資糧。故云淡種。別有九種集。前六護煩惱行。後三護二乘行。前中卽增上三學。初戒次定。餘四是慧。慧中前三如次是聞思修。後一所成。出世之智。後三中。初二護二乘心。謂大志護懶心。大解護小心。後一護二乘行。已知其意。云何九集。一行集。卽經善修諸行。善作眷屬持戒故。三聚非一。故名爲諸不淨尸羅。不生三昧故。首明矣。二定集。卽經善集助道。善作眷屬三昧故。卽明得等。及四靜慮。以定親資慧。故名助道。皆云眷屬者。慧爲主故。三親近集。卽經善

供養諸佛。供佛爲欲集聞慧故。四聚集卽經善集白淨法。聚思慧善思量波羅密等諸善法故。謂依聞思彼若名若義。自性差別有上下故。成煖頂位治諸蔽漏。故云白淨五護集。卽爲善知識善攝。由內修行實證。得外教授故。修行實證。卽如實智。亦分上下。立於忍位。及世第一。上五皆同加行。下四皆已入地。妙謂依聞思等者。以前之五集明四善根古來諸德。皆云懶教例小。擬議立四華嚴。卽無然華嚴正約四十二位。文無彰灼四善根名論。無釋文義。旨含有是約五位收攝之義。且十地皆有十句加行。起十種心。此心未滿。猶屬於初地。滿成二地。二地加行。十心未滿。屬於二地。滿屬三地。下七皆然。未知初地亦起十心。十心已滿。卽入初地。未滿屬初。例於下九。即在地前廻向會竟。

既非廻向。當屬何人。爲加行位。理極成矣。父上漢種善根之人。地持判屬勞解行人。有如是心。卽入初地。明知未具是地前也。今約五位。初地加行。屬加行攝。况論釋十句。前五約聞思修等第。六方名淨心集者。前爲加行。文理更明。雖局初地。而以地前望於地上。卽爲十地之加行也。故於十地總有三處總集方便。謂初地八地。及與十地。然初地方便。復有二種。一收三賢。皆爲趣地之遠方便。二者取加行爲近方便。三賢別會已。廣說竟今爲加行。於理無違。復有人言。此中十句。唯屬初地。四加行。位總屬十地。斯人不曉。唯識論文云。爲入見道。復修加行。明知卽是初地加行。故四加行義通於總別。勿復粗心。言四加行者。唯識第九偈云。現前立少物。謂是唯識性。以有所得故。非實住。唯識論菩薩於初無數劫。善備福德智慧資糧。順解脫分。既圓滿已。爲入見道。住唯識性。復起加行。伏除二取。謂煖頂忍世第一法。此四總名順決擇分。順取真實決擇分故。近見道故。立加行名。非前資糧無加行六淨心集。卽善清淨深心。以得出世間正智。

於所緣境。無分別智。都無所得。不取種種戲論。相
故。名爲善淨。智能契理。故曰淡心。七廣集。卽立廣
大志。淡心廣利故。八信心集。卽生廣大解。以求一
切智。智故。九現集。卽慈悲現前。謂多行慈悲。無時
斂捨。故云現前。然小乘無求佛意。故於護小心中。
明自利心。求一切智。小乘亦有自利三學之行。故
今護行之中。但舉利他慈悲。於中慈依苦苦。壞苦。
以正在苦。思願樂故。悲依行苦。拔彼妄樂。不知行
苦之所遷故。三界不離三苦。故爲慈悲之境。又明
與樂卽能拔苦。故慈依一二苦。拔苦卽與真樂。故悲

依行苦。已知總別。集爲同相。戒等異相。畧說爲成廣說爲壞。如上具明。

○第二爲何義者。爲求佛果。先別顯求果之相。後佛子下總結發心。

爲求佛智故。爲得十力故。爲得大無畏故。爲得佛平等法故。爲救一切世間故。爲淨大慈悲故。爲得十力無餘智故。爲淨一切佛刹無障礙故。爲一念知一切三世故。爲轉大法輪無所畏故。佛子。菩薩起如是心。

疏 十句初總餘別。總云佛智。謂無上智知斷證修故。約無作四諦說此四別。修究竟故。亦得名修。鉢總

云佛智等者。上句舉經謂無上智。卽論總指其體。
知斷證修故。論別顯其相。謂知苦斷集證滅修道。
苦是報法。不可言斷。但可言知。以今生厭集則可。
斷滅是理法。但可云證道是心法。可以進修。約無
作者。此疏釋論。揀非權小。如四諦品。言修究竟故。
釋妨。恐有問言。既是佛智。何得有修。通意可知。
此智差別有九種。皆悉求之一。力佛智。問記爲業。
以十種力。隨機答故。一問記業。記卽答也。一無畏佛智。破邪
見業。揀異菩薩復稱爲大。三平等佛智。得人法無
我。教授衆生。證入之業。二中平等。有其二義。二生平等。無我理。生佛平等。二令衆皆證。四救佛智。以四攝法化衆生業。五淨佛智。
能爲救攝因業。慈悲淨瞋恚故。五中救攝因者。由慈淨瞋。能用四攝。廣利樂故。六無餘智佛智。常以佛眼觀世間衆生業。十

方徧觀。故云無餘。七無染佛智。若順今經。以無障礙智。嚴其依報。自然應化。令其信樂爲業。論經闕於淨利八覺佛智。一念知三世衆生心。心數法爲業。九轉法輪佛智。解脫方便善巧業。故言善巧者。於百億閻浮提同時轉大法輪故。法輪卽是能令衆生解脫方便。然上九句皆先標智體。後顯其業。初三自利。後六利他。利他之中。四攝是利他之行。慈悲是利他之心。後四利他之智。二總結發心中。言起如是心者。若直望經文。卽指前十心。而論云。卽是本分中願善決定者。上求佛智。卽是願故。前

本分中。指此文云。願善決定者。如初地中發菩提心。卽此本分中願者。卽指此文。前指於此。卽攝上之十句佛智。此指於前。卽攝前文六決定義。彼是總句中指。此是總結中指。總攝別故。

○第三明以何因。生如是心。意云。何因求大菩提。謂以大悲爲衆生故。

以大悲爲首。智慧增上。善巧方便所攝。最上深心所持。如來力無量。善觀察分別。勇猛力。智力。無礙智。現前。隨順自然智。能受一切佛法。以智慧教化。廣大如法界。究竟如虛空。盡未來際。

疏十句初總餘別。別有九種大一增上大細行苦。

智慧增上生故。謂若了苦苦壞苦。智非增上。論又云。智者因果逆順染淨觀故。此約了事名智。論云。慧者自相同。相差別觀故。此約了二諦通理爲慧。復是一門別義。言自相者。因緣之有是法自體故。同相者。二空真如等一味故。念生迷此。故起悲心。同六地中大悲增上觀。其逆順等亦如六地廣略。二善巧等。卽攝大四攝曲巧。隨宜攝故。三最上下淳至大淳至卽最上義。謂向發大心。許盡生界。無盡利益。故曰淡心。緣此悲增。淳厚至到。故云最上。

常以此二持此菩薩四如來力無量者無量大攝取如來無量神力。生物信故五善觀等。卽決定大於上妙法。決定信解。名善觀分別。於諸衆生。決定能度爲勇猛力。於所治障。決能對治爲智力。無礙智現前。通結上句。六隨順自然智。卽隨順大。七能受等。卽受持大。能取大勝法。授與衆生故。大包一切。勝卽佛法。授與卽教化。智慧故能授。八廣大如法界。卽最妙大。攝受勝妙功德故。九究竟下。住盡大無量變果因。盡涅槃際故。爲成十句。合於此二後之二大。如本分說。但前云無常變。此云無量者。

勝用非一故。上九大中。前七悲體。次一悲德。後一心。後四勝進。

○第四有何相。正顯得位福利之相。

佛子。菩薩始發如是心。卽得超凡夫地。入菩薩位。生如來家。無能說其種族過失。離世間趣。入出世道。得菩薩法。住菩薩處。入三世平等。於如來種中。決定當得無上菩提。

疏文有九句。初總餘別。總云始發如是心者。指前二段。卽得超凡夫地者。以得出世間聖道故。超卽

過義。一入菩薩位下。別有八種過論。皆先法後喻。此入聖位生如來家。如世王子。生王家故。故句句皆有相似法言。一入位過。初成出世間心。如始住胎相似法故。瑜伽住品。名入菩薩正性離生。二生如來家者。卽家過。生家相似法。謂如世人雖受胎報。若在凡家。不足爲勝。要在王家。方爲顯勝。菩薩亦爾。若在外道法中出家。不足爲勝。今得佛所證法。方爲尊勝。梁攝論云。生法王家。具足尊勝。下諸句。例皆躡前揀勝。三無能下。種姓過子相似法。大乘行生故。謂大行成立。如得王體分。堪紹佛種。是

子義也。非賤非客故。梁攝論云。以過二乘。及世間種姓故。四離世下道過。以非有漏故。離世間趣。如非鬼畜等王之體。成無漏故。入出世道。如要人王之體分故。梁攝論云。永不作殺生等邪行故。五得菩薩法。卽法體過。以同體大悲爲菩薩體故。以化他事。卽是自事。若無大悲。法身不具。如揀異殘缺。瑜伽云。設有問言。菩薩以何爲體。應答。以大悲爲體。六住菩薩處者。處過。謂不住道。是其住處。不同凡小。染世捨世。以滯二邊。如世王子。不處鄙陋。七入三世平等者。業過。謂證平等眞如。以資慧命。揀

無滋味。則壽命夭促。不任紹繼故。是命相似法。八
於如來下。畢定過佛種不斷。顯因畢定。得無上道
顯果畢定。如世王子。雖依正精勝。志氣不立。所作
不成。今志氣成立。決定紹位。名成就相似法。

○第二結住入位

菩薩住如是法。名住菩薩歡喜地。以不動相應故。

疏住如是法者。指上四段。名住歡喜地者。是初住
地義。以不動相應故者。釋成住義。一證真理不復
失故。二乘異道不能動故。然不動有五。一種子不
壞名不動。卽種性地已上。一起行不退名不動。卽

此初地已上。地持云。初地已上。如明分月。日夜增長善法不退。亦復如是。三空有無間不動。卽七地四無功用不動。卽八地已上。五究竟不動。卽佛地也。

初四十句明住分竟

論從佛子菩薩始發如是心已下。有五行經都結菩薩能發此三十種廣大志樂。始發如是心。卽超凡夫地入菩薩位。生如來家。此一段通收前十住中初發心住。同此十地中初歡喜地。生如來家。爲佛真子。爲明同乘。一如來智慧爲體故。明五位中差別行。及差別智。無前後始終。一時同進故。非同

三乘逐情法故。法行雖廣。是一佛智。印諸法非前後故。故此十地法返成前十住十行十廻向法。非是此十地別有法來。猶如蘿菔從根生葉。復以葉滋根。亦如種穀以果生苗。苗熟果成。還初果也。如善財見慈氏如來。慈氏如來還令卻見文殊。明果不離因中果也。又如人初生至三十而長終。但以長初生爲大故。非別有大來。又初生至老大時無先後也。以智爲先導。非情所收。無先後異也。此一乘五位法門。智爲先導。無前後故。五位之行。教辨升進同異差別。雖立升降差殊。但同一法界智中。

階級。非如情見階級故。以智照之可見。亦如龍女。
一刹那際三生。具行成佛是也。二乘之種。不體會
法華經。會權就實之意。返云是化。要經三祇劫。方
得成佛。此是法界大智宅外門前之見也。猶住草
菴。且免三界麤苦之樂。得三種意生身。住火宅門
外。權設三車。是以凡案有憑據之乘。以淨土礪土
有二別故。未入法界大智。生死涅槃無依住故。若
智悲無限。佛本報居華藏海宅故。以衆生海卽佛
海故。衆生智是如來智故。於一毛孔。以智所觀。一
切刹海。凡聖同在其中。於一刹那中。普見無限三

世劫海無有始終。不同權教。定時劫淨穢。全作差別法故。此經十地之法門。莫以三乘畱惑。或以願力。不取淨土。畱身穢境。以悲化衆生等解。皆不稱此之法界。普光明大智本宅之門。須改三乘之見。網眇目者。令圓滅存畱惑及淨穢土之漏身。始可稱智身之廣大。入此不動廣大智身方名歡喜地。不動相應也。亦是十信中不動智佛爲體。十住十行。十廻向。隨升進立名。至此位歸本名故。論主乃爲頌曰。無限智悲成佛德。佛以智悲成十地還將十地成諸位。前後五位加行門。不離十地智悲起。

是故十住初發心。發心卽入十地智。雖然五位方便殊。只爲成熟十地智。猶如迅鳥飛虛空。不廢遊行無所至。亦如魚龍游水中。不廢常游不離水。如是五位行差別。不廢差別不離智。所有日月歲差別。以智法印無別異。體智不成亦不壞。以明諸位除習氣。了習無習悲行成。萬行常興無作智。如無礙智是觀達。無礙因觀行所成。

○大文第二釋名分中二。一總標。

鈔之釋名分者。此中論有生起云。

已說住義。次說釋名。云。何多歡喜。示名歡喜。此問得名。以何歡喜。此問喜相。此地中菩薩歡喜。復以何念。此問喜因。初說十句。此答喜相。後說二十句。此答喜因。釋曰。上論疏已摘用。故不併

舉。現心尋論者。怪不
見。文。故此具出。

佛子。菩薩住歡喜地

○二別顯於中分二。初正明喜相。後佛子下。出喜所因。然喜相對依何身。以深種善根。得此位故。後喜因中。有念當得喜。對爲何義。以所求果。定當得故。有念現得喜。對有何相。以現離凡得聖故。其第三以何因。悲心惻捨喜義不顯。故不對之。今初正明喜相。

成就多歡喜。多淨信。多愛樂。多適悅。多欣慶。多踊躍。多勇猛。多無鬪諍。多無惱害。多無瞋恨。

疏

喜相中十句。初總餘別。總有三喜云。多歡喜。一

心喜謂入觀之心適悅。二體喜出觀喜受相應。三根喜由前心體歡喜內充外及五根輕安調暢故此喜者亦名爲樂。又內及觀心卽無喜之喜不同二禪浮動之喜。故梵本他經多名極喜。喜之極故別中九一敬喜證三寶體得不壞信增恭敬故二愛喜樂觀真如法故上二卽喜行之心卽是心喜次三正是喜之體相三調柔喜身心徧益皆適悅故卽六根喜四慶喜自覺所證勝地前故此句論當第三前覺後悅義甚次第五踊躍喜身心徧益。

增上滿足故。增上過前。是踊躍義。六勇猛喜。自知堪受菩提。去果不遙。故云勇猛。此一喜能。上六皆自行喜。下三化他。離於喜障。鈔此一喜能者。喜行爲能。此與念當得喜有何異耶。答念當能攝菩提故。名逆念當果。此念念之自能。故不同也。七無鬪諍喜。自心調伏故。論義解說時。不令自他心擾動故。

八無惱喜。化攝衆生時。但以慈柔。不惱他故。九不瞋恨喜。見不如說行。當時不瞋。後無恨故。

○第二彰喜所因中二。先念當得故喜。後念現得故喜。各有十句。今初

佛子。菩薩住此歡喜地。念諸佛故。生歡喜。念諸佛法

故生歡喜念諸菩薩故生歡喜念諸菩薩行故生歡喜念清淨諸波羅蜜故生歡喜念諸菩薩地殊勝故生歡喜念菩薩不可壞故生歡喜念如來教化衆生故生歡喜念能令衆生得利益故生歡喜念入一切如來智方便故生歡喜

疏

初總餘別總云念諸佛者論云如佛所得我亦當得故者文中雖皆念他並是以他類已故判爲念當得也若別顯義相統收十句不出因果人法一佛一法是果中人法後八皆因初一是人謂二地已上乃至普賢之位餘七是法於中更有總別

菩薩行爲總別中六句。次第顯前菩薩行。一以何法爲所顯。謂波羅密淨。以是行體故。二彼之行體顯相云何。謂一地去一垢。淨一度。卽菩薩地殊勝故。三何謂此行全顯。謂第十菩薩地盡。去障盡故。則行不可壞。上三自利。餘三利他。皆法雲之行。一能受諸佛法。明爲教化法。二能雲雨說法。則衆生得利益。三受佛智職。入大盡等。是一切智行。亦可後三通於諸地。又上十句。初佛次法。餘皆是僧。僧中有人有德。可知。

○第二念覲得中二。初正嘲所念。二何以故下。隨

難徵釋。今初

復作是念。我轉離一切世間境界故生歡喜。親近一切佛故生歡喜。遠離凡夫地故生歡喜。近智慧地故生歡喜。永斷一切惡趣故生歡喜。與一切衆生作依止處故生歡喜。見一切如來故生歡喜。生佛境界中故生歡喜。入一切菩薩平等性中故生歡喜。遠離一切怖畏毛堅等事故生歡喜。

疏

前中十句初總餘別總云我轉離一切世間境界者轉離一切凡夫取著事故然事有麤細麤則外六塵境通是一切凡夫取著境故細謂現前立

少物。謂是唯識性。亦爲地前凡夫取著境故。別有

九種轉離。然此九種。對前有何相中。總別九句。文

雖不次法體全同。以是念前福利相故。故論二段

之中。皆以相似不相似揀。謂與地前不相似故。鈔總

別九句者。初卽第二生如來家過。一卽總句超凡夫地三卽第一入菩薩位入位過。四卽第四離世

間趣得道過。五卽第五得菩薩法法體過。六卽第三無能說其種族過失種姓過。七卽第六住菩薩

處處過。八卽第七入三世平等是業過。九卽第八於如來種中決定當得無上菩提名畢定過餘八

全同。唯第九捨轉離相。文小不同。故疏會釋。

九中一人轉離。經云。親近

一切佛。以了法如。常見佛故。此顯事不相似。謂卽

前生如來家。以佛法爲事。不似凡夫六塵事故。二

遠轉離。二近至轉離。此二示自身不相似。謂初卽過凡夫地。識爲身故。後卽入菩薩位。智爲身故。四斷轉離。卽行不相似。謂離世間趣行。行出世淨行。故五依止轉離。卽迭相依止不相似。謂得菩薩法。大悲爲體。依衆生起。還與衆生爲依。不同凡夫不起悲心。不爲他依故。六近見轉離。是他力不相似。謂以大乘行成種性無過。見佛得助道力。不似凡夫非器不得。故七生轉離。卽處不相似。謂不住道是佛境界。亦菩薩住處。依之起行。名生其中。八平等轉離。卽生業不相似。謂證三世平等之性。以資

慧命而生智業。不同凡夫雜染業也。九捨轉離。卽成就。不相似。謂成就離障。畢定勝位。捨約離障。成約得位。卽前第八畢定過。成就相似法故。由離怖畏。決得無上菩提。前就行位。此就斷位。言怖畏者。論云。不愛疑慮憂想。共心相應故。不愛是所畏事。不活等五。令心憎惡故。疑慮憂想。正是畏體。所畏不定。便生疑慮。所畏決定。便生憂想。由心畏故。相現在身。名毛豎等。卽前第八下。會通前文。此斷前立。決成苦提。於如來種中。即是行義。行斷雖殊。決成苦提。義則同矣。然此九句。與有何相。文同符契。皆已義引不得異解。由上諸義不

相似故。名爲轉離。非唯離障名轉離也。

○第二隨難徵釋。由捨轉離文義廣故。重徵釋之。
何以故。此菩薩得歡喜地已。所有怖畏悉得遠離。所謂不活畏。惡名畏。死畏。惡道畏。大衆威德畏。如是怖畏皆得永離。何以故。此菩薩離我想故。尚不愛自身。何況資財。是故無有不活畏。不於他所希求供養。唯專給施一切衆生。是故無有惡名畏。遠離我見無有我想。是故無有死畏。自知死已。決定不離諸佛菩薩。是故無有惡道畏。我所志樂。一切世間無與等者。何況有勝。是故無有大衆威德畏。菩薩如是遠離驚怖。

毛堅等事

疏義有四重。謂怖畏與離。各有因果。而文分五節。
一總徵。二列名總答。三轉徵。四舉因顯相。五菩薩
如是下。結酬初徵。今初徵意云。何以此中說離畏
耶。二答意云。以五怖畏是初地障。得初地時。法爾
離故。又離此卽是此地利益。翻畏名喜。此相最顯
故於釋名分中辨之。三轉徵者。此之一徵。文含四
意。一云。何以名爲不活等畏耶。一云。何因而有此
五畏耶。此二是怖畏因果。故論上生起云。何者是
怖畏。云何怖畏因。三何以名爲得永離耶。四因何

令此得永離耶。此二離畏因果若得離因。自然無果。故論上云。遠離此因。無怖畏故。四舉因顯相者。謂正舉離因。顯離果相。反顯畏因及畏果相。故通有四意。酬前四微。如不變自身。何況資財。是離不活因。則反顯變身資財。是不活畏因。若不畏不活。即是離畏果。則反顯畏於不活。是此畏果。餘四例然。又此離因。即是能治其怖畏因。即是所治。五怖畏果。不活與歟。一相何別。懼無資緣。身不存於朝夕。名不活畏。懼其因盡。正捨報時。名爲死畏。大怖之極。無過死故。又不活通於三業死。唯約身。故論

云。第一第二第五依身口意。第三第四依身。次約
變於善道。懼捨身故。惡道畏者。憎於惡道。懼得彼
身故。但說五者。打縛等畏。皆五攝故。此怖畏因畧
有二種。一邪智妄取。想見變著故。二善根微少故。
然此二因。通五怖畏。善根少者。亦乏資財。懼不活
等故。有變著者。未能忘懷。畏大衆等故。若取相顯。
初一爲前三畏因。後一爲後二畏因。邪智卽是分
別身見。取我乖理。目之爲邪。邪心決斷。名之爲智。
由有此智。妄取於我。及我所想。以成執見而起變
著故。我見爲主。我所隨生。變著於我。則有灰畏。見

有我身懼捨命故。愛著我所有。前二畏。但著財利。
有不活畏。著利兼名。有惡名畏。但無我我所。則三
畏因亡。然不活因。舉我況所。意但取所。後二因者。
功德善少。畏墮惡道。智慧善少。畏於大衆。又過去
善少。今畏大衆。現在善少。當畏惡道。今具福智。兼
二世善。以爲對治故。初三離因。卽二空智。後二離
因。卽二莊嚴。五菩薩如是下結酬初徵。前云何以
能離。今酬由上三段如是義故。所以能離。意正如
此。第二三十句釋名分竟。

大方廣佛華嚴經疏論纂要卷第六十一

芝城水西淨慈菴比丘傳敏募眾刊刻
華嚴經十地品疏論纂要第六十一卷
永遠流通伏願衆等同遊華藏共證菩
提現生福慧昌隆當來正因不昧四恩
普報三有均資法界衆生同圓種智
康熙己未年一陽月華藏室謹題